

Իսկ երբայեցիք որք էին 'ի Պաղեստին և 'ի Միջագետս՝ ապստամբեալ 'ի կայսերէ Յունաց, բազմութեամբ դիմեցին առ որդիան Իսմայէլի, և միաբանեալ ընդ նոսա կազմեցին զունդ ստուար և դիմեցին յերկիրն Պաղեստինոյ, և յանկարծօրէն անկեալ 'ի վերայ զօրացն Յունաց 'ի սահմանս Արաբիոյ, արարին զնոսա փախստական, և պատգամաւորս առաքեցին առ Կայսրն եւ ասեն, շատ լիցի քեզ ունիլ զերկիրդ մեր, զի Աստուած հօր մերում Արքահամու և որդւոց նորս խոստացաւ զայն, 'ի բաց թող խաղաղութեամբ, և մեք մի մտցուք յերկիր քո: Եւ Կայսրն ոչ առ յանձն, իմ է ասէ երկիրն, և քոյ վիճակ ժառանգութեան անապատն. և ժողովեալ զօրս իբրեւ 70,000 արանց առաքեաց ընդդէմ Իսմայէլեան գնդին, պատուէր տուեալ սպասել մնացեալ զօրուն, զոր հուպ ընդ հուպ ժողովեալ արձակել ունէր զկնի նոցա: Իսկ նոքա հասին 'ի Պաղեստին՝ անցեալ ընդ Յորդանան գետ խոնջ և վատակ պատահեցան յաւազուտ անապատի անդ Իսմայէլեան բանակին, և 'ի դիմի հարեալ 'ի պարտութիւն մատնեցան, և բազումք 'ի մեծամեծաց անկան 'ի սրոյ Իսմայէլեան զօրուն և մնացեալքն եղեն փախստական: Մեռաւ Մեհեմմէտ և թողեցաւ 'ի Մեաինէ եւ անմիջական յաջորդ եկաց նմին Ապու-Պէքիր-Սատրգ կոչեցեալ. 11 (632). և 'ի սմին ամի առին զԲոստրա քաղաք: Եւ կացեալ 'ի Սալիֆայութեան ամս 2 և ամիս 3 վախճանի, և կալաւ զաթոն Օմար-Իպն-Սաթթալ. (14-634). Եւ կոչեցաւ Ամիր-էլ-Միւսլիմն, այսինքն Իշխան հաւատացելոց: Իսկ և իսկ գրեաց 'ի բանակն և ընկէց յիշխանութենէ զզօրադլուսն Սալիա-Իպն-էլ-Աբլիտ եւ կացոյց 'ի տեղի նորս Ապու-Օսլիտայ Իպն-էլ-Ճէրահ, որք էին յայնժամ 'ի կողմանս Միջագետաց: Ի հասանիլ թղթոյն առ զօրավարն նոր, յորդան տուեալ զօրաց իւրոց եկեալ պաշարեաց զԻամասկոս չորիւք զօրավարօք 'ի չորից կողմանց զաւուրս 70 եւ նեղեալ քրիստոնէից գրեցին գիր պայմանի եւ ետուն նոցա զքաղաքն: զայս գիր յետոյ առաքեցին առ Օմար, որ ունէր օրինակ զայս. « Ի պաշարելն ձեր զքաղաքն խնդրեցաք ազատութիւն որդւոց, ընչից, ազգի, և ժողովրդոց մերոց, եւ եղաք դաշինս